



Broj/Broj: 03/1-50-14-7-5/11
Sarajevo/Sarajevo, 5. 10. 2011. godine

PREDMET: Informacija o učešću na radionici o temi: „Građenje integriteta u sektoru odbrane“

U organizaciji Centra za mirovne operacije PSOTC Butmir i Centra za postiplomsko usavršavanje Mornarice SAD-a iz Montereia, 15. i 16.9.2011., održana je radionica o temi: „Građenje integriteta u sektoru odbrane“.

Iz Zajedničke komisije za odbranu i sigurnost BiH (ZK) radionici su prisustvovali: Dušanka Majkić, predsjedavajuća, Borjana Krišto, prva zamjenica predsjedavajuće, Šefik Džaferović, drugi zamjenik predsjedavajućeg, Mehmed Bradarić, član ZK, Krunoslav Vrdoljak, član ZK, Željko Grubešić, stručni savjetnik, i Jovica Katić, stručni saradnik.

Radionici koja je namjenski pripremljena za članove ZK su, osim članova ZK, prisustvovali Marina Pendeš, zamjenica ministra MOBiH, brigadir Kenan Dautović, komandant PSOTC sa saradnicima, predstavnici Misije OSCE-a u BiH, predstavnici Štaba NATO-a u Sarajevu, predstavnici USAID-program jačanja parlamenata i predstavnici Ambasade SAD-a u BiH koji inače prate aktivnosti ZK.

Nakon uvodnih izlaganja predstavnika PSOTC i Marine Pendeš, prof. dr. Fransoa Melez, izvršni direktor Centra iz Montereia, održao je četiri ciklusa predavanja o tematici koja je bila predmet seminara.


U interaktivnom razgovoru i dijalogu dat je odgovor na niz pitanja koja se tiču nabavki za potrebe vojske, sistema planiranja programiranja i budžetiranja, transparentnosti trošenja budžeta za potrebe odbrane, uloge parlamentarnih tijela, parlamenata, interne i eksterne revizije. Predavanja su bila koncipirana s nizom primjera i nakon dvodnevno rada konstatirano je da je to bio jedan uspješan uvod u ciklus predavanja, seminara i radionica koje će PSOTC i Centar iz Monteraia organizirati za članove ZK.

Ponudili su saradnju na brojnim poljima i izrazili zadovoljstvo spremnošću prisutnih članova ZK da razgovaraju i pripremaju se za ozbiljne poslove i teme iz ove oblasti.

Članovi ZK koji su prisustvovali seminaru obišli su Centar za mirovne operacije Butmir i izrazili zadovoljstvo organizacijom, visokim standardima u radu i savršenom vojnom organizacijom s kadrom koji je školovan na vojnim učilištima u brojnim zemljama Evrope i SAD-u.

Materijale, koji su korišteni tokom seminara, predstavnici Mornaričkog centra prevest će na jezike koji su u službenoj upotrebi u BiH s ciljem njihovog korištenja u radu i praćenja ove vrlo značajne oblasti iz sektora odbrane.

Predsjedavajuća Majkić se tokom završnog dijela radionice zahvalila predavačima, posebno prof. dr. Fransoa Melezu i brigadiru Kenanu Dautoviću na izvanredno organiziranoj i korisnoj radionici izrazivši želju da se saradnja nastavi i osmisli sadržajima koji će koristiti članovima ZK u njihovom radu.



Predsjedavajuća
Zajedničke Komisije
Dušanika Majkić

Dostavljeno:

- naslovu
- a/a